




10



ILLVSTRISSIMIS COMITIBVS
AC DOMINIS,
DOMINIS
HENRICO VI.
IUNIORIS LINEAE RVTHERNO,
COMITI AC DOMINO PLAVIAE,
DOMINO GRAECII, GRANNICHFELDAE, GERAE,
SCHLAEZAE AC LOBENSTEINI

ET
ROCHO FRIDERICO
COMITI LINARIAE,
DYNASTIAE LVBBENAVIENSIS
ET BVCKOVIENSIS DOMINO,

DE CVRSV STVDIORVM IN ACADEMIA IENENSI
FELICITER CONFECTO DEQVE EDITIS
EXIMIAE ERVDITIONIS SPECIMINIBVS
QVA DECEAT OBSERVANTIA
GRATVLATVR

IO. GEORGIVS VVALCHIVS,
TH. D. ET P. P. O.

IENAE, LITTERIS RITTERIANIS.

[1723]

Ak



ILLVSTRISSIMI COMITES,



FELICES omnino reputandas esse litteras, quisque existimabit, ubi eiusmodi cultores atque amatores inveniunt, qui aequae nascendi fortuna sunt egregii, ac suo ingenio suaeque virtute praestant atque ad summa quavis acriter contendunt ac prospere eniuntur. ita enim non solum eximium decus sibi comparant; sed eo quoque praesidio se muniunt, quo suam dignitatem conservare: ab illorum, qui sinistre sentiunt, iniuria vindicare: immo insigniter augere viamque sibi parare possunt, qua in illustriorem lucem prodeunt vimque suam in rebus publicis iisque gravissimis egregie monstrant. quo maior sane illorum, quos natalium splendor ab aliis distinguit, fortuna est atque auctoritas, eo vberiore felicitatem musae ab eorum favore liberali spe sibi polliceantur. quae quum ita sint, reputando summa studia vestra, ILLVSTRISSIMI COMITES, quae feliciter ad litterarum disciplinas contulistis, nescio, num ipsis musis; an vobis maiori iure debeat gratulandi officium? vos enim estis, qui adhuc musis nostris lenensibus eximium adtulistis decus: a quibus & in posterum ipsae litterae certissimum habebunt praesidium aliaque ornatiores suscipientur ingenia.

LAVDEM hanc vestra virtus omni iure vindicat sibi summamque spem, qua estis praediti, omnino tuetur. natura equidem multas variasque vobis ingeneravit dotes: contigit vobis

vobis summa ac maximarum rerum capacissima ingenii atque animi vis; sed incredibilis plane ac rara industria, quæ multis non mediocrem admirationem mouit, non minores comparauit diuitias, quas nunc possidetis numero atque adparatu amplas & insignes. quidquid ornata ac solida litteras colendi ratio postulat, ad id semper vos incitatos propeque inflammatos quisque vidit. testis est hæc musarum officina: testes sunt tot præceptorum scholæ, qua discendi proficiendique cupiditate occupati, commentationes omniaque præcepta demiseritis in pectora. in hac summa industriæ contentione nullum litterarum genus a vobis neglectum fuit, quod ad ornatiorem cultum iurisprudentiæ aliquid adferre videbatis, quippe qui iuris artem non solum excoluistis; sed etiam disciplinas sapientiæ humanæ: litteras, quæ elegantia ac nitore se commendant præcipueque historiam, quæ enarrat instituta gentium, vicissitudines rerum, quatenus ad statum publicum pertinent, atque exempla ad rempublicam vtilissima conferuat, felicissime didicistis. quumque hæc constans industria cum ingenio acri ac vigente, quod tribuit natura, coniungeretur atque exquisitis præceptis ac consiliis adiuuaretur, amplæ omnino eruditionis opes a vobis sunt collectæ. verum in rectam ac probam inducti sententiam, quod scientia, quamuis sit copiosa ac multiplex, ad veram felicitatem rerum publicarum nihil valeat nec solidam eruditionis laudem iure tueri possit, nisi cum piis moribus sit coniuncta, iis quoque eandem nauastis operam pietatisque ac sanctimoniam, quæ in ipso pectore infixæ est, maximum consecuti estis decus. recordor sollertiæ vestræ, qua & iis præceptis in cœtu nostro vos tradidistis; quæ verum sensum de deo ac christianis iisque emendatis sacris docent: rationem sententias oraculorum diuinorum adsequendi, monstrant traduntque, quomodo se quis ad propositam a deo metam proferre debeat sine offensione. recordor singularis diuinæ gratiæ: nec solum recordor; sed prædico quoque istam ac submissa mente veneror, qua omnis scientia vestra de rebus diuinis tantam vim in pectore vestro prodidit, vt obliui plane excelsæ nascendi conditionis vestræ, abiecto omni rerum seculi studio, illud deo vnice consecraueritis. in tanta naturæ bonitate: in tanto discendi ardore: in tanta gratiæ cælestis vi non poterat oriri, nisi quod magnum est atque eximium quodue insignem sapientiæ ac virtutis adparatum possidet. hinc sunt tot ingenii mentisque ornamenta, quæ in vobis quisque colit atque admiratur: hinc præclara scientia disciplinarum, quæ cognoscendis
legi-

legibus absoluntur: hinc eruditionis vestrae suauitas ac gratia, quam politior atque humanior musa adtulit: hinc tersi nitoris copia, illa latine, pure atque eleganter dicendi facultas, quae hausta est ex monumentis veterum limatissimis: hinc amoenissima in mente, vitae cultu atque actionibus multarum virtutum consociatio, quum alii laudant pietatem erga deum: alii praedicant moris suauitatem, incredibilem erga quosuis humanitatem: alii commendant eximiam modestiam. hinc quoque est specimen sane rarissimum, quod nullo praesidio suffulti de controuersia ardua, vtili ac congressu publico digna disputando dedistis atque in ipso certamine insignem ingenii vim ac facultatem monstrastis, summam ex eo laudem consecuti, ore atque adplausu omnium maximore semper celebrandam. ita virtus excellens haud latere potest in tenebris; sed vt lucem suam longe lateque diffundit; ita splendor illius atque elegantia cunctorum animos capit atque ad sui amorem laudationemque inuitat.

VOBIS igitur debeo gratulationem, quam partim insignes dotes vestrae cum summa felicitate coniunctae; partim obseruantia, qua vos, vestram virtutem, vestra in me merita reuerer ac colo, maximo iure postulant. persoluo hocce munus religiose ac vere meritoque vobis de cursu studiorum in hac academia profpere confecto deque speciminibus editis, quae solidae ac politae doctrinae sunt plenissima, gratulor. deum immortalem, qui vobis praeter ceteros propitius est ac res vestras sapienter aequae ac benigne curat, imploro, velit felices vos florentesque seruare ac superatis laborum itinerumque molestiis, consilia quaeuis atque actiones, quae ad salutem publicam pertinent, fortunare. sed tamen & hoc gratulandi officium, si non maiori; eodem tamen iure musis debeo. felicem praedico hanc academiam, quae postquam vos litteris suis aluit, singulare dignitatis suae a vestra fortuna ac virtute incrementum sumsit: immo ipsum musarum orbem fortunatum reputandum esse, vere existimo, qui nunc **ILLVSTRISSIMOS COMITES** in sinu suo complectitur, in quibus spem certe maximam praesidiumque firmissimum collocavit. nec dubiro, quin mihi pietatis partes explenti gratiam conferuetis constantem.

* * * * *

78 M 496

ULB Halle 3
001 618 148



TA-506

KONP

017





